



**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 37. Joannes Arragonum Rex Clementis partes suscipit.

---

[urn:nbn:de:hbz:466:1-66293](#)

**Sæcul. XIV.** bant, Urbano semper dicente se Papam  
A. C. 1387. verum esse, nec id vocandum in du-  
biu[m].

Tam procul aberat, ut ad ullam con-  
troversiæ compositionem cum Cle-  
mente descenderet, ut 29 Aug. hoc anno  
**Rayn. n. I.** 1387 novas contra eum litteras ederet  
**2. 3.** cunctis Episcopis inscriptas: ubi jactis in  
eundem multis conviciis universos Prin-  
cipes Catholicos, & generatim Christia-  
nos omnes ad tuendam causam Ecclesiæ,  
nempe suam hortabatur, & sacris pro  
Palæstina pugilibus concedi solitam no-  
xarum veniam plenam spondebat iis om-  
nibus, qui crucem induerent, unius anni  
spatio militarent, aut pecuniam contri-  
buerent ad sumptus belli contra schisma-  
ticos. Harum vero litterarum effectum  
nullum cernimus: e contrario Clementis  
agnitio insigniter hoc anno propagata fuit.

### §. XXXVII.

*Joannes Arragonum Rex Clementis  
partes suscipit.*

**R**ex Arragoniæ Petrus Officiosus, post  
quam annos amplius quinquaginta  
regnaverat, septuaginta quinque natus  
Barcinone 5 Jan. de vita exiit. Perman-  
serat medius Urbanum inter & Cle-  
mentem: et si instante Petro Lunio Cardinali  
**Indic. Ar-**  
**rag. p. 250.**  
**Rayn. n. 10.** Clementis in Hispania Legato Romæ, &  
Ave-

Avenione multas inquisitiones in electio-  
nem geminam agendas curaverat. Jo-A. C. 1387.  
annes Gerundæ Dux natu major filius &  
succesor ejus urgente eodem Cardinali  
denique induxit animum, ut 24 Febr. an.  
1387 Barcinone declarationem ederet:  
cujus hæc erat summa.

Cum per natalium prærogativam ef-  
semus Gerundæ Princeps, Ecclesiæ schis-  
ma cernentes de juribus Clementis &  
Urbani percontationes solemnes tum ipsi  
curavimus fieri, tum ab aliis Principibus  
factas vidimus: & postquam probe con-  
sideravimus omnia, prius electum, scilicet  
Bartholomæum Barianum Archiepisco-  
pum fuisse per apertam violentiam intru-  
sum, alterum vero videlicet Cardinalem  
Genevensem nunc esse verum ac legit-  
imum Papam invenimus, & talem decla-  
ravimus. At declaratio nostra solemniter  
promulgata non fuit, quamdiu regna-  
bat noster gloriosæ memoriæ parens, qui  
neutri parti studebat, subjectosque sequi  
exemplum jubebat suum. Nunc Divi-  
nam per providentiam in folio positi post  
multa consilia, & magnas deliberationes  
hac de re habitas, cum institutas a Rege  
patre nostro disquisitiones declarationi  
nostræ congruere cognoverimus, horta-  
mur Christianos universos, ac subjectis  
omnibus imperamus, ut Dominum Cle-  
mentem VII agnoscant verum Papam, &

*Hist. Eccles. Tom. XXIV. Ee an-*

**Sæcul. XIV.** antipapam antea cooptatum censeant se.  
**A. C. 1387.** junctum ab Ecclesia.

Rex Petrus habuerat patruellem Jacobum Arragonum, qui a patre suo, cuius  
**Vitæ to. I.** p. 518. 1366. tertius erat filius, ad statum Ecclesiasticum destinatus, ab anno 1352 Canonicus, ac Præpositus Ecclesiae Barcinonensis, Canonicus Majoricanus, Papæque a cancellio, & convictor fuerat. Anno 1362 per Innocentium VI Dertosanus Episcopus evasit, tametsi solum viginti annos compleverat. Anno 1369 dum Valentina vacabat Ecclesia, ejusdem Canonicum, ac Præcentorem Ferdinandum Munnium elegit Collegium: sed Urbanus V nulla electionis hujus ratione habita, precibus Regis Arragonum cedens Jacobum hujus patruellem Valentiam transtulit. Is oblatam sibi a Clemente purpuram vivente Rege Petro recusabat hujus officiam metuens ob studium neutrarum partium Clementem non agnoscentis Papam. At post mortem ejus, & declarationem Regis Joannis petasum rubrum e manu Cardinalis Petri Lunii accepit lubens; & Clementis beneficio Ecclesiam suam administrandam retinuit, vocatus Cardinalis Valentinus.

**Ibid. p. 518.** Carolus Malus Navarræ Rex Pompejoli Calendis Januariis hoc anno 1387 mortuus semper instar Regis Arragonum cunctatus fuerat alterutrum electorum

agno-

agnoscere Papam. Sed natu major filius <sup>Sæcul. XIV.</sup>  
 & successor ejus Carolus Nobilis capto A. C. 1387.  
 tempore partes Clementis solemniter au-  
 xit efficienter hac in re adjutus a Car-  
 dinali Petro Lunio. Sic Hispania tota,  
 Lusitaniam si demas, Clementi parebat.

## §. XXXVIII.

*Errores Fratris Joannis Monte-  
sonii.*

Parisiis hoc anno nata est contentio ma-  
 gna Dominicanos inter, cæterosque  
 Theologos. Frater Joannes Montesonius  
 ex illorum Ordine Theologiæ Doctor in  
 Valentia Catalaniæ diœcesi natus de-  
 fenderat in scholis quatuordecim proposi- *Duboulai*  
 tiones, quarum ponderosiores subjicio. *to. 4. p. 620.*  
*Hypostatica in Christo conjunctio natu-* *Vitæ PP.*  
*ræ duplicis est major conjunctione Per-* *to. 2. p. 991.*  
 sonarum in natura Divina. Potest dari *Prop. 4. 10.*  
 persona mere creata ad merendum per-  
 fector, quam anima ipsius Christi. Aper-  
 te fidem impugnat, qui negat quemvis  
 hominem præter Christum contraxisse la-  
 bem primigeniam. Nec minus adverfa-  
 tur fidei, qui SS. Virginem hinc eximit,  
 quam qui excipit decem homines. Divi-  
 nus codex non explicandus est nisi per  
 se ipsum.

Quatuordecim propositiones ad con- *Duboulai*  
 ventum Facultatis Theologicæ 6 Julii *p. 629.*

E e 2 an.

II.

12. 13.

14.